

永樂大典

卷六千七百六十
五

永樂大典卷之六千七百六十五

十八陽

王

宗室封王二十九 全

壽王

金史列傳京本名忽魯以宗室子累遷特進天德二年除翰林學士承旨燕脩國史加開府儀同三司遷工部尚書改禮部兵部判大宗正事封魯王除河間尹正隆二年例封濟國公北京留守以喪去官起復益都尹六年生遺制立春日與徒單貞飲酒降溧州刺史未幾改絳陽軍節度使海陵遺護忽魯往絳州殺之京由間道走入汾州境得免世宗即位來見于桃花塢復判大宗正事封壽王二年正月戊辰朔日食伐鼓用幣上不視朝減膳徹樂詔京代拜行禮世宗懲創海陵跡忌宗室加禮京兄弟情若同生謂京等曰朕每見天象變異輒思政事之闕寤寐自責不違凡事必審思而後行猶懼獨見未能盡善每令群臣集議庶幾無過舉之是時伐宋未罷兵用度不足百官未給全俸京家人數百口財用少上聞之賜金一百五十兩重綵百端絹五百匹改西京留守賜佩刀鹿馬京到西京京妻嘗召日者孫邦榮推京祿命邦榮言留守官至

永樂大典卷之六千七百六十五

太師爵封王京問此上更無否邦榮曰止於此京曰若止如此所官何為邦榮察其意乃詐為圖讖作詩中有鶴魯為之語以獻於京京曰後誠如此乎遂受其詩再使卜之邦榮稱所得卦有獨權之兆京復使邦榮推世宗當生年月家人孫小男妾作謠言誑惑京如邦榮指京信之京妻公壽其知其事大定五年三月孫邦榮上變詔刑部侍郎高德基戶部員外郎完顏兀古出往鞠之京等皆欵伏獄成還奏上曰海陵無道使光英在朕亦保全之况京等哉於是京夫婦特免死杖一百除名歲州樓煩縣安置以奴婢百口自隨官給土田遺兀古出劉琬宣諭京詔曰朕與汝皆太祖之孫海陵失道翦滅宗支朕念兄弟無幾於汝尤為親愛汝亦自知之何為而懷此心朕念骨肉不忍盡法汝若尚不思過朕雖不加誅天地豈能容汝也十年四月詔于樓煩縣為京作第一區月給卹度康保十二年兄德州防禦使文謀反上問皇太子趙王允中及宰臣曰京謀不執朕特免死今復當緣坐何如宰臣或言京圖逆今不除之恐為後患上曰天下大器歸於有德海陵失道朕乃得之但務脩德餘何足慮太子曰誠如聖訓乃遣使宣諭京詔曰卿兄文舊封國公不任職事朕進封王爵委以大藩頃在大名以賍得罪止削左遷不知恩幸乃蓄怨心謀不執罪及兄弟朕念

永樂大典

卷六七六五

宋王皆先緣生文之家產應沒入者盡與卿兄子敵住卿宜悉此意二十
年十一月上問宰臣曰景之罪始於其妻妾卜休咎太祖諸孫存者無幾
朕欲召置左右不使任職但康給之卿等以為何如皆曰置之近密臣等
以為非宜上曰朕脩德何必豫豫疑忌久之上復欲召京宰臣曰京不赦
之罪也赦之以為至幸矣
豈可復上默良久乃止

陳王

金史列傳陳王宗魯本名訛魯觀天會十四年為東京留守天
眷元年入朝與左副元帥捷懶建議以河南陝西地與宋俄為
尚書左丞相加開府儀同三司兼侍中封陳王二
年拜太保領三省事進封究國王既而以謀反誅

趙王

金史列傳趙王宗傑本名沒里野天會五年薨天會十三年謚
孝悼天眷元年追封趙王以其長子夔為會寧牧封節王後為
上京留守再改燕京西京皇統三年薨子阿楞捷楞海陵為相將謀弑
立構而殺之海陵基立并殺宗傑妻大定間贈宗傑太師進封趙王

衛王

金史列傳衛王宗強本名阿魯天眷元年封紀王三年代宗固
為燕京留守封衛王太師皇統二年十月薨報朝七日喪至上
京上親臨哭之慟仍親視
喪事子阿都可喜阿瑣

永樂大典卷六千七百六十五

二

榮王

金史列傳榮王夔本名阿都天德三年授世襲猛安正隆二年
除橫海軍節度使改安武軍留京師奉朝請海陵將伐宋嚴酒
焚夔生與其弟阿瑣及從父兄京徒單貞會飲被杖下遷歸化州刺史奪
猛安未幾復除安武軍節度使海陵渡淮分遣使者翦滅宗室夔憂懼不
知所出會世宗即位東京宗室璋推夔弟阿瑣行中都留守遣人報夔與
妻于來奔與弟忻州刺史可喜俱至中都東迎車駕至梁魚務入見世
宗大悅即除殺前馬步軍都指揮使封溫王改秘書監母憂尋起復遷太
子太保進封壽王頃之世宗第五女蜀國公主下嫁唐括鼎賜宴神龍殿
謂夔曰朕與卿兄弟在正隆時朝夕常懼不保豈意今日賴爾兄弟之福
可以享安樂矣夔泣下頃首謝未幾判大宗正事太子太保如故夔有疾
詔除其子符寶祗候恩列為忠順軍節度副使夔入謝上曰朕以卿疾使
卿子遷官冀卿因喜而愈也恩列年少未聞政事卿訓以義方使有善可
稱別加升擢夔疾少間將從上如涼陘賜錢千萬進封英王轉太子太傅
復世襲猛安進封榮王改太子太師顯宗長女郡國公主下嫁烏古論誼

永樂大典

卷六七六五

賜宴慶和殿坐西向迎夕照面發赤似醉上問曰卿醉邪對曰未也臣面迎日色非酒紅也上悅顧群臣曰此第出言未審不實自小便如此因謂顯宗兄弟曰汝等可以為法以爽貨用有闕特賜錢一萬貫二十三年疾久不愈勅有司曰榮王告滿百日當給以王俸既薨上悼痛輟朝遣官致祭賜銀千兩重練四十端絹四百匹陪葬山陵親王百官送葬他日謂大臣曰榮王之葬朕以不果親送為恨其見友愛如此

曹國王

金史列傳曹國王宗敏本名阿魯補天春元年封那王皇統三年為東京留守拜左副元帥兼會軍牧進拜都元帥

兼判太宗正事再進太保領三省事兼左副元帥領行臺尚書省事封曹國王海陵謀弒立畏宗敏屬尊且材勇欲謀誣以除之特照宗屢殺大臣宗敏憂之謂海陵曰主上喜殘殺而國家事重奈何宗敏言時適左右無人海陵將以此為指斥構害之自念無證不可發乃止及殺照宗使葛王召宗敏葛王者世宗初封也宗敏聞海陵召疑懼不敢往葛王曰叔父今不即往至明日如何與之相見宗敏入宮海陵欲殺之尚猶豫以問左右烏帶曰彼太祖子也不殺之衆人必有異議不如除之乃使僕散思土殺之忽土乃擊宗敏左右走避膚髮血肉狼藉遍地葛王見殺宗敏問

永樂大典卷六七六五

三

於衆曰國王何罪而死烏帶曰天許大事尚已行之此蠱毒耳何足道者天德三年海陵進封宗敏為太師進封壽妃蒲察氏進國號封于撒合筆紆國公賜名德進封王阿里罕封密國公正隆六年契丹撒八反海陵遣使殺諸宗室阿里罕遂見殺大定詔後官爵

胙王

金史列傳胙王元景宣皇帝宗峻子也本名常勝為北京留守弟查剌為安武軍節度使皇統七年四月戊午左副照檢蒲察

阿虎特于尚主進禮物賜宴便殿照宗被酒酌酒賜元元不能飲上怒仗劍逼之元逃去命左丞宗憲召元宗憲與元俱去上益怒是時戶部尚書宗禮在側使之跪手殺之海陵與唐括辯謀廢立海陵曰若舉大事誰當立者海陵意謂己乃太祖長房之孫當立而辯與秉德初意不在海陵常勝乃照宗之弟辯答曰無胙王常勝乎海陵復問其次辯曰鄧王子阿撈海陵曰阿撈屬疎由是海陵謂胙有人望不除之將不得立故心忌常勝并阿撈是特阿撈方為奉國上將軍河南軍士孫進自稱皇弟按察大王照宗疑皇弟二字或在常勝也使特思鞠之無狀特思乃嘗疑海陵與唐括辯時時竊議告之悼后者海陵知照宗有疑常勝心因此可以除之謂照宗曰孫進反有端不稱他人乃稱皇弟大王陛下弟止有常勝查剌特

恩鞠不以資故出之矣熙宗以為然使唐括樹蕭肆按問特思特思自誣服故出常勝罪於是乃殺常勝及其弟查剌并殺特思海陵乘此并擄阿楞殺之阿楞弟撻撻熙宗本無意殺之海陵曰其兄既已伏誅其弟安得獨存又殺之熙宗以海陵為忠愈益任之而不知其詐也海陵養立追封常勝查剌阿楞官爵親臨葬所致祭大定十三年六月丁巳世宗召皇太子諸王侍食于清輝殿曰或稱海陵多能何也海陵誦詐雖行殺人空虛天下三分之一太祖諸孫中惟朕王元天性賢者也元子育本名合住大定二十七年自南京留守遷太宗正丞燕勸農副使上問宰臣曰合住為人如何平章政事襄叅政宗浩對曰為人清廉幹治上曰乃父亦然又曰蒲陽溫胙王元外若愚詢臨事明敏過人朕於兄弟間於元尤欽密

梁宋國王

全史列傳梁宋國王宗幹本名幹本太祖庶長子太祖伐遼遼人未禦遷于境上使宗幹率眾先往填壘士卒畢度渤海軍馳突而前左翼七謀克少却遂犯中軍米飯出戰太祖曰遇大敵不可易也使宗幹止果宗幹馳出果前控止導騎哲埜之馬果乃還遼魯古城之戰宗幹以中軍為疑兵太祖既攻下黃龍府而欲取春州遼主聞黃龍不守大懼即自將藉宗威豪右少年與四方勇士及能言

永樂大典卷六千七百六十五

四

兵者皆驍軍中宗幹勸太祖毋攻春州休息士卒太祖以為然遂班師宗幹得降人言春泰州無守備可取於是斜也取春泰州宗確宗幹等下金山縣宗確即以兵三千屬宗幹招集未降諸部宗幹擇土人之材幹者以詔書諭之於是女國牌室四部及渤海人皆降太祖克臨潢府至沃黑河宗幹諫曰地遠時暑士罷馬乏若深入敵境糧餉不繼恐有後艱上從之遂班師從都統果取中京宗翰自北安州移書于果是時希尹獲遼人知遼主在篤焉濼可襲取之果不能決宗翰使再至宗幹謂果曰移賚勃極烈灼見事機再使來請彼必不輕舉且彼已發兵不可中止請從其策再三言之果乃報宗翰會吳王廟當時無宗幹果終無進兵意既會軍于羊城濼果使宗幹與宗翰以精兵六千襲遼至五院司遼主已遷去與遼將耿守忠戰于西京城東四十里守忠敗走太宗即位宗幹為國論勃極烈與斜也同輔政天會三年獲遼主于薏州西余堵谷始議禮制度正官名定服色典庠序設選舉治厝明時皆自宗幹啓之四年官制行詔中外十年熙宗為諸班勃極烈宗幹為國論左勃極烈熙宗即位拜太傅與宗翰等並領三省事天眷二年遷太師封梁宋國王入朝不拜東杖上殺仍以杖賜之宗幹有足疾詔設坐奏事無何監修國史呈統元年賜宗翰鞞與

上殿制詔不名上幸燕京宗幹從有疾上親臨問自燕京還至野狐嶺宗幹疾亟不行上親臨問語及軍國事上悲泣不已明日上及后同往視后親與宗幹饋食至暮而還因赦罪囚與宗幹祿疾居數日薨上哭之愴慨朝七日大臣死輟朝自宗幹始上致祭是日度成太史奏成亥不宜哭上不聽曰朕幼冲時太師有保傅之力安得不哭哭之愴上生日不舉樂上還上京幸其第視殯事及喪至上京上臨哭之及葬臨視之海陵墓立追謚憲古弘道文昭武烈章孝睿明皇帝廟號德宗以故第為興聖宮大定二年除去廟號改謚明肅皇帝及海陵廢為庶人二十二年皇太子允恭奏畧曰追惟熙宗世嫡統緒海陵無道弑帝自立崇正昭穆削其煬王俾齒庶人之列瘞之開曠不封不樹既已申大義而明至公矣海陵追崇其親逆配於廟今海陵既廢為庶人而明肅猶竊帝尊之名列廟祧之數海陵大逆正名定罪明肅亦當緣生是時明肅已殂不與於亂臣以謂當削去明肅帝號止從舊爵或從太祖諸王有功例加以官封明詔中外俾知大義書奏世宗嘉納下尚書省議於是追削明肅帝號封為皇伯太師遼王謚忠烈妻子諸孫皆從降明昌四年配享太祖廟庭子亮亮亮亮是為海陵庶人

永樂大典卷六十五

五

宋王

金史列傳宋王宗望本名幹魯補又作幹離不太祖第二子也每從太祖征伐常在左右都統果已克中都宗翰在北安州獲遼護衛習涅烈知遼主在篤魯深宗翰請襲之果出青嶺遼兵三百餘掠降人家贊宗望曰若生致此輩可審得遼主所在虛實遂與宗弼率百騎進騎多羅乏獨與馬和尚遂越盧字古野里斯等留一騎趨後軍即馳擊敗之生擒五人因審遼主尚在篤魯深未去無疑也於是進兵宗翰倍道兼行追遼主于五院司不及妻室等追之至白水梁遼主走陰山遼秦晉國王捏里自立于燕京新降州部人心不固果使宗望請太祖臨軍宗望至京師百官入賀上曰宗望與十餘騎經涉兵寇數千里可嘉也上宴群臣歡甚宗望奏曰今雲中新定諸路遼兵尚數萬遼主尚在陰山天德之間而捏里自立于燕京新降之民其心未固是以諸將望陛下幸軍中也上曰懸軍遠伐投以成算豈能盡合機事朕以六月朔啓行既次大梁西南果使希尹奏請從西南招討司諸部于內地願謂群臣曰從諸部人當出何路宗望對曰中宗殘弊易糧不給由上京為宜然新降之人屢爾雖動未降者必皆疑懼勞師害人所失多矣上京謂臨潢府也上過下其議命軍帥度宜行之上聞遼主在大魚梁自將精兵萬人襲之蒲家奴宗

望率兵四千馬前鋒晝夜兼行馬多乏追及遼主于石筆驛軍士至者才
千人遼軍餘二萬五千方治營壘蒲家奴與諸將議余睹曰我軍未集人
馬疲劇未可戰宗望曰今追及遼主而不亟戰日入而遼則無及遂戰短
兵接遼兵圍之數重士皆殊死戰遼主謂宗望兵少必敗遂與嬪御皆自
高阜下平地觀戰余睹示諸將曰此遼主麾下也若萃而薄之可以得志
騎兵馳赴之遼主望見大驚即避去遼兵遂潰宗望等遂上曰遼主去不
遠亟追之宗望以騎兵千餘追之蒲家奴為後繼太祖已定燕京幹魯馬
都統宗望副之襲遼主于陰山青塚之間宗望妻室銀木可以三千軍分
路襲之將至青塚遇泥濘衆不能進宗望與當海四騎以繩繫遼都統林
牙大石使為卿導直至遼主營時遼主往應州其嬪御諸女見敵兵奄至
驚駭欲奔命騎下執之有頃後軍至遼主叔胡盧危妃國王捏里火地遼
漢夫人并其子泰王許王女肯欲餘里衍幹里衍大與野次與野趙王妃
幹里衍招討迪六詳穩六斤節度使宇迭赤洵兒皆降得車萬餘木惟罕
王雅里及其長女乘軍亂亡去妻室銀木可獲其左右與帳進至掃里門
馬書以招遼主遼主自金城來知其族屬皆見得率兵五千餘決戰宗望
以千兵擊敗之遼主相去百步避去獲其子趙王習泥烈及侍國董追二

宋史卷之七十五

六

十餘里盡得其從馬而照里特末胡已嘗背谷別獲牧馬萬四千匹車八
千乘及獻傳國璽于行在太祖曰此群臣之功也遂真璽于懷中來面恭
謝天地乃大錄諸帥功加賞為遼主乃使謀虜九持免租金印請降宗望
受之視其文乃元帥燕國王之印也宗望復以書招之諭以石晉北遷事
遂使使諭夏國示以和好所以沮疑其救遼之心也宗望趨天德遼耶律
慎思降及候人兵十回皆言夏國迎護遼主度大河矣宗望乃傳檄夏國
曰果欲附我當如前諭執送遼主若猶疑或恐有後悔及遼泰王等以俘
見太祖太祖嘉宗望功以遼蜀國公主除里衍賜之闕母與張覺戰大敗
於免耳山上使宗望問狀就以闕母軍討張覺降瀕海邵縣遂與覺戰于
南京城東覺敗宵遁奔宋語在覺傳城中人執覺父及其二子未獻宗望
殺之使以詔書宣諭城中張敦固等出降使使與敦固俱入城收兵伏城
中人殺使者立敦固為都統劫府庫掠居民乘城拒守太宗賞破張覺功
及有功將士各有差初張覺奔宋入于燕京宗望責宋人納叛人且徵軍
糧久不聞問宗望欲移書督之請空名宣頭千道增信牌安撫新降之民
詔以新附長吏職負仍舊已命詣路轉輸軍糧勿替於宋給銀牌十空名
宣頭五十道及遼潤承隕四州人徙于瀋州者俟華農各復其業乃詔成

永樂大典

卷六七六五

州輸粟宗望軍張敦固以兵八千分四隊出戰大敗宗望再三開諭敦固等曰屢嘗拒戰不敢遂降宗望許其望闕送拜敦固乃開其一門宗望使關毋乘其事乃下詔赦南京官民大小罪皆釋之官職如舊別初有司輕徭賦勸稼穡糧場之事一決於宗望又曰議宗張覺及通亡戶口於宋闕比歲不登若如舊徵歛恐民遺乏度其糧數賦之射糧軍領為民者使後田里小大之事關白軍帥無得專達朝廷詔宗望曰選熟賢及有民望者為南京留守及諸闕負仍其姓名官階以聞是時遼潤來隲四州之民保山岩者甚眾宗望乞選良吏招撫上從之上召宗望赴闕而關毋克南京兵執僞都統張敦固殺之南京平赴京師於是宗翰請無割山西地與宋幹魯亦言之關毋論奏宋漸盟有驗不可不備及宗望還軍上曰徵歲幣於宋以銀二十萬兩絹三十萬匹分賜兩軍及六部宋京諸軍宗望至軍宋兵三千自海道來破九寨殺馬城縣成將節度使盧鋒取其銀牌兵仗及馬而去宗望索戶口宋人弗遣且聞重賞郭藥師治軍燕山宗望奏請伐宋曰苟不先之恐為後患宗翰亦以為言故伐宋之策宗望實啓之宗望為南京路都統關毋劄之自燕山路伐宋宗望奏曰關毋於臣為叔父請以關毋為都統且監戰事上從之以宗望監關毋劄彥宗兩軍戰事

永樂大典卷六千五百六十五

七

宗望至三河破郭藥師兵四萬五千于白河蒲莧敗宋兵三千于古北口郭藥師降遂取燕山府盡收其軍實馬萬匹甲冑五萬兵七萬州縣悉平宋中山成將王彥劉璧率兵二千來降蒲察繩米以三百騎過中山三萬人於阨隘之地力戰死之木烈速活里改軍繼至殺二萬餘人宗望破宋真定兵五千人遂克信德府次邯鄲宋李郭請修舊好宗望留軍中不遣自郭藥師降益知宋之虛實宗望請以為燕京留守及董才降益知宋之地里宗望請任以軍事太宗俱賜姓完顏氏皆給以金牌四年正月己巳諸軍渡河取滑州以吳孝民入汴以詔書問納平州張覺事令執送重賞譚禎詹度以黃河為界納質奉貢再諸軍圍汴宋少帝請為伯姪國効質納地增歲幣請和遂割太原中山河間三鎮書用伯姪禮以康王構太子張邦昌為質沈晦以誓書三鎮地圖至軍中歲幣割地一依定約語在宋事中二月丁酉朔與宋平退軍孟陽是夜姚平仲兵四十萬來襲候騎覺之分遣諸將迎擊大破平仲軍復進攻汴城問舉兵之狀少帝大怒使宇文虛中來辨曰初不知其事且將加罪其人宗望輟弗攻改屬王樞為質康王構遣歸師還河北兩鎮不下遂分兵討之宗望罷常勝軍給還燕人田業命將士分屯安肅雄霸廣信之境宗望還山西承斃為右副元帥

有功將士遷賞有差頃之宋少帝以書誘余睹蕭仲恭獻其書詔復伐宋
 八月宗望會諸將發自保州耶律鐸破敵兵三萬于雄州殺萬餘人耶野
 敵來軍七千於中山高六董才破宋兵三千於廣信宋神師閱軍四萬人
 駐并陘宗望大破之遂取天威軍東還遂克真定殺知府李遵得戶三萬
 降五縣遂自真定趨汴十一月戊辰宗望至河上降魏縣諸軍渡河留諸
 將分出大名之境降臨河縣至大名縣德清軍開德府皆克之阿里剌以
 騎兵三千先趨汴破宋軍六千于路取昨城抵汴城下復宋兵千人擒數
 將宗望至汴分遣諸將遣宋援兵奔堵那野賽刺臺實連破宋援兵閏月
 壬辰朔宋兵一萬出自汴城乘戰宗望選勁勇五千使當海恩魯鵬失
 擊敗之癸巳宗翰自太原會軍于汴丙辰克汴州辛酉宋少帝詣軍前十
 二月癸亥宋帝奉表降上使前就軍中勞賜宗翰宗望使皆執其手以勞
 之四月以宋二主及其宗族四百七十餘人及瑋璋實印袞冕車賂祭器
 大樂靈臺圖書與大軍北還宗望乃分諸將鎮守河北董才降廣信軍及
 旁近縣鎮宗望乃西上涼陘詔宗望曰自河之北今既分畫重念其民見
 城邑有被殘者遂阻命堅守其中諭招輯安全之僚堅執不移自當致討
 若諸軍敢利於俘掠輒肆毀蕩者當底於罰是月宗望薨天會十三年封

宋史大興卷六十五

八

魏上皇統一年進許國王又徙封晉國王天德二年贈太師加遼燕國王
 配享太宗廟庭正隆二年例降封大定三年改封宋王謚桓肅于齊京文
 初遼帝之奔陰山也遼節度使和尚興林牙馬哥魯慎思俱被擒都統果
 使阿都護送得里底和尚雅里斯等入京師得里底道亡太祖誅阿都
 尚弟道溫為與中尹太祖使護都本以兵千人與和尚往招之和尚欲亡
 去不克至與中城下以矢繁書射城中教道溫毋降事泄護都本責之曰
 汝何反覆如此對曰以忠報國何反覆之有雖死不恨乃殺之既而宗望
 軍遇遼都統字迭等道溫在其中相與隔水而語宗望承制招之字迭唯
 諾無降意宗望謂道溫曰汝兄和尚因戰而獲未嘗加罪後以叛誅能無
 痛悼道溫曰吾兄辱於見獲榮於死國宗望顧馬和尚曰能為我取此乎
 對曰能遂以所部度水擊敗其衆
 直趨道溫射中其臂獲而殺之

潘王

金史列傳潘王宗弼本名幹吸又作兀朮亦作幹出或作晃幹
 出太祖第四子也希尹獲遼護衛習泥烈問知遼帝塚焉為漂

都統果出青嶺宗望宗弼率百騎與馬和尚逐越盧字古野里斯等馳擊
 敗之宗弼天盡遂奪遼兵士槍備殺八人生獲五人遂審得遼主在篤鶻

濼略獵尚未去可集取者及宗望伐宋宗弼從軍取湯陰縣降其卒三千人至御河宋人已焚橋不得渡合魯索以七十騎涉之殺宋焚橋軍五百人宗望遣兵孝民先入汴諭宋人宗弼以三千騎薄汴城宋上皇出奔選百騎追之弗及獲馬三千而還宗望薨宗輔馬右副元帥徇地淄青宗弼敗宋鄭宗孟數萬衆遂克青州復破賊將趙成于臨朐大破黃瓊軍遂取臨朐宗輔軍還遇敵三萬衆于河上宗弼擊敗之殺萬餘人詔伐宋康王宗輔發河北宗弼攻開德府糧乏轉攻濮州前鋒烏林谷秦欲破王善二十萬衆遂克濮州降旁近五縣攻開德府宗弼以其軍先登奮擊破之攻大名府宗弼軍後先登破其城河北平宋主自揚州奔于江南宗弼等分道伐之進兵歸德城中有自西門出者當海復敗之乃絕隍禁道列礮隍上將攻之城中人懼遂降先遣阿里蒲盧渾至壽春宗弼軍繼之宋安撫使馬世元率官屬出降進降廬州府降萊縣王善軍當海等破鄆璽萬餘衆于和州遂自和州渡江將至江寧西二十里宋杜充率步騎六萬未拒戰鶴盧補當海迪虎大臭合擊破之宋陳邦光以江寧府降留長安奴幹里也守江寧使阿魯補幹里也別將兵徇地下太平州濠州及句容溧陽等縣沂江西屢敗張永等兵杜充遂降宗弼自江寧取廣德軍路追襲

宋主于越州至湖州取之先使阿里蒲盧渾趨杭州具舟于錢塘江宗弼至杭州官守巨室皆逃去遂攻杭州取之宋主聞杭州不守遂自越奔明州宗弼留杭州使阿里蒲盧渾以精兵四千襲之訛魯補木列達降越州大臭破宋周汪軍阿里蒲盧渾破宋兵三千遂渡曹娥江去明州二十五里大破宋兵追至其城下城中出兵戰失利宋主走入于海宗弼中分麾下兵會攻明州克之阿里蒲盧渾泛海至昌國縣執宋明州守趙伯諤伯諤言宋主奔温州將自温州趨福州矣遂行海追三百餘里不及阿里蒲盧渾乃還宗弼還自杭州遂取秀州赤盞輝敗宋軍于平江遂取平江阿里率兵先趨鎮江宋韓世忠以舟師扼江口宗弼舟小契毋漢軍沒者二百餘人遂自鎮江沂流西上世忠襲之奪世忠大舟十艘於是宗弼循南岸世忠循北岸且戰且行世忠緣腫大艦數倍宗弼軍出宗弼軍前後數里擊柝之聲自夜達旦世忠以輕舟來挑戰百數接將至黃天蕩宗弼乃因老鶴河故道開三十里通秦淮一日一夜而成宗弼乃得至江寧徒懶使移剌古自天長趨江寧援宗弼烏林谷秦欲亦以兵來會連敗宋兵宗弼發江寧將渡江而北宗弼軍渡自東移剌古渡自西與世忠戰于江渡世忠分舟師絕江流上下將左右掩擊之世忠舟皆張五綳宗弼遂善射

者乘輕舟以火箭射世忠舟上五編五編著火箭皆自焚煙焰滿江世忠不能軍追北七十里舟軍殲焉世忠僅能自免宗弼渡江北還遂從宗弼定陝西與張浚戰于富平宗弼陷重圍中韓常流矢中目怒拔去其矢血淋漓以土塞創躍馬奮呼搏戰遂解圍與宗弼俱出既敗張浚軍于富平遂與阿盧補招降熙河湟原兩路及攻吳玠于和尚原抵險不可進乃退軍伏兵起且戰且走行三十里將至平地宋軍陣于山口宗弼大敗將士多戰沒明年復攻和尚原克之天會十五年為右副元帥封潘王天眷元年捷懶宗弼執議以河南之地割賜宋詔遣張通古等奉使江南明年宋主遣端明殿學士韓肖胄奉表謝遣王倫等乞歸父喪及母常氏兄弟宗弼自軍中入朝進拜都元帥宗弼察捷懶與宋人交通路遠遂以河南陝西與宋奏請誅捷懶復舊疆是時宗弼已誅捷懶在行臺復與鶻懶謀反會置行臺於燕京詔宗弼為太保領行臺尚書省都元帥如故往燕京誅捷懶捷懶自燕京南走將亡入于宋追至祁州殺之詔諸州郡軍旅之事決于帥府民訟錢穀行臺尚書省治之宗弼無總其事遂議南伐太師宗幹以下皆曰構謀再造之恩不思報德矣自臨張忻求無厭今若不取後恐難圖上曰彼將謂我不能奄有河南之地且都元帥又在方面深究利

宋史卷之七十五

十

害宜即舉兵討之遂命元帥府復河南疆土詔中外宗弼由恭陽趨汴右監軍撤離喝出河中趨陝西宋岳飛謀世忠分據河南州郡要害復出兵涉河東駐嵐石保德之境以相牽制宗弼遣孔彥舟下汴鄭兩州王伯龍取陳州李成取洛陽自率衆取亳州及順昌府高汝等州相次皆下時暑宗弼還軍于汴岳飛等軍皆退去河南平時天眷三年也上使使勞問宗弼以下將士凡有功軍士三千並加忠勇校尉攻嵐石保德皆克之宗弼入朝是時上幸燕京宗弼見於行在所居再旬宗弼還軍上起立酌酒飲之賜以甲冑弓矢及馬二匹宗弼已行四日召還至日希尹誅越五日宗弼還軍進伐淮南克廬州上幸燕京宗弼朝燕京乞取江南上從之制詔都元帥宗弼比還軍與宰臣同入奏事俄為尚書左丞相兼侍中太保都元帥領行臺如故詔以燕京路隸尚書省西京及山後諸部族隸元帥府乃還軍遂伐江南既渡淮以書責讓宋人宋人答書乞加寬宥宗弼令宋主遣信臣乘稟議宋主乞先歛兵許界色并表闕下宗弼以便且約以畫淮水為界上遣護衛將軍撤改往軍中勞之三年二月宗弼朝京師兼監修國史宋主遣端明殿學士何铸等進誓表其表曰臣構言今未畫疆合以淮水中流為界西有唐鄆州割上國自鄆州西四十里并南四十里

永樂大典

卷六七六五

馬界屬登州其四十里外並西南盡屬光化軍馬弊邑沿邊州城既蒙恩
 造許備藩方世世子孫謹守臣節每年皇帝生辰并正旦遣使稱賀不絕
 歲貢銀絹二十五萬兩匹自壬戌年為首無春李差人般送至泗州交納
 有渝此盟明神是殛墜命亡氏路其國家臣今既進誓表伏望上國蚤降
 誓詔庶使弊邑永有憑焉宗周進拜太傅進左宣徽使劉苦使宋以表
 免圭寶璣璽王冊冊康王馬宋帝其冊文曰皇帝若曰咨爾宋康王趙構
 不弔天降喪于爾邦亟濟齊盟自貽顛覆保爾越在江表用勅我師旅蓋
 十有八年于茲朕用震悼斯民其何罪今天其悔禍誕誘爾衷封奏御至
 願身列于藩輔今遣光祿大夫左宣徽使劉苦等持節冊命爾為帝國統
 宋世服臣職永為屏翰嗚呼欽哉其恭聽朕命仍詔天下賜宗弼人口牛
 馬各千駝百羊萬仍每歲宋國進貢內給銀絹二千兩匹宗弼表乞致仕
 不許優詔答之賜以金券皇統三年為太師領三省事都元帥領行臺尚
 書省事如故皇統八年薨大定十五年
 諡忠烈十八年配享太宗廟廷子字述

芮王

金史列傳芮王身本名字述熙宗時封芮王為猛安加銀青光祿大夫天德初加特進海陵忌太宗諸子將謁太廟以事為右

永樂大典卷六千五百六十五

衛將軍語在太宗諸王傳海陵賜良子身性直材勇絕人喜自負辭曰所
 賜子弱不可用海陵遂忌之出為真定尹謂身曰太宗諸子方強多在河
 朔山東真定據其衝要如其有變欲倚卿為重耳其實忌身也歷中京東
 京留守家奴梁遵告身與衛士符公弼謀反考驗無狀遵坐誅海陵益疑
 之改廣寧尹再任李老僧使伺察身動靜且令構其罪狀身初除廣寧諸
 公主宗婦往賀其母徒單氏太祖長女兀魯曰字述維稍下遽勿以馬嫖
 國家視京府一也況字述年富何患不貴顯乎是時兀魯與徒單糾也為
 室糾也妻忽撻得幸於徒單后忽撻詣后告兀魯語涉怨望且指斥又言
 字述當大貴海陵使蕭裕鞠之左驗皆不敢言遂殺兀魯而殺糾也免其
 官以兀魯怨望糾也不先奏聞故也乃封忽撻為莘國夫人久之身家奴
 六斤願黥給使懇請奴老僧謂六斤曰爾渤海大族不幸坐累為奴寧不
 念為良乎六斤識其意六斤密與身侍妾私通身知之怒曰必殺此奴六
 斤聞之惧密與老僧謀告身謀逆身有良馬將因海陵生辰進之以謂生
 辰進馬者衆不能以良馬自異欲他日入見進之六斤言身笑海陵不識
 馬不足進身之奴有自京來者具言徒單阿里出虎誅死身曰彼有貸死
 誓券安得誅之奴曰必欲殺之誓券安足用哉身曰然則將及我矣六斤

即以爲怨望遂誣亨欲因問判海陵老僧即捕繫亨以聞工部尚書耶律安禮大理正忒里等鞠之亨言嘗論穢莽事實無反心而六斤亦自引伏與妾私通亨嘗言欲殺之狀安禮等遂奏海陵怒後遣與老僧同鞠之與其家奴並加榜掠皆不伏老僧夜至亨囚所使人蹴其陰問殺之亨比至死不勝楚痛聲連於外海陵聞亨死伴馬泣下遣人諭其母曰爾子所犯注當考掠不意飲水致死亨擊鞠爲天下第一常獨當數人馬無良惡皆如意馬方馳輒投杖馬前側身附地取杖而去每收獵特饋連錐擊狐兔一日與海陵同行道中遇群豕亨曰吾能以錐殺之即當錐迺擊中其腹穿入之終以勇力見忌馬正隆六年海陵遣使殺諸宗室於是殺亨妃徒單氏次妃大氏及子羊蹄等三人大定初追復亨官爵封韓王十七年詔有司改葬亨及妻子

鉅鹿郡王

金史列傳鉅鹿郡王宗憲本名阿懶額行女真字書年十六選入學太宗幸學宗憲與諸生俱謁宗憲進止恂雅太宗召至前令誦所習語皆清亮善應對侍正奏曰此左副元帥宗翰弟也上嗟賞久之兼通契丹漢字未冠從宗翰伐宋汴京破衆人事

水樂大典卷六千七百五十五

十三

趨府庫取財物宗憲獨載圖書以歸朝廷議制度禮樂往往因仍違舊宗憲曰方今奄有遼宋當遠引前古因時制宜成一代之法何乃近取遼人制度哉希尹曰而意甚與我合由是器重之德順宗尙唱議以齊地與宋宗憲廷爭折之當時不用其言其後宗擢復取河南陝西地如宗憲策以擢宗磐宗德功授昭武大將軍修國史累官尚書左丞熙宗從容謂之曰嚮以河南陝西地與宋人卿以爲不當與今復取之是猶用卿言也卿識慮深遠自今以往其盡言無隱宗憲拜謝還攝門下侍郎初熙宗以疑似殺左丞相希尹久之察其無罪深閔惜之謂宗憲曰希尹有大功于國無罪而死朕將錄用其孫如之何宗憲對曰陛下深念希尹錄用其孫幸甚若不先明死者無罪生者何由得仕上曰卿言是也即日復希尹官爵用其孫守道爲應奉翰林文字皇統五年將肆赦議事息止及女真人宗憲奏曰莫非王臣慶幸宜可有間邪遂改其文使均被焉轉行臺平章政事天德初爲中京留守安武軍節度封河內郡王改太原尹進封鉅鹿郡王正隆例奪王爵再遷震武武定軍節度使世宗即位遣使召之詔曰叔若能來宜速至此若爲統石烈志寧白彥敬所遏亦不煩叔憂宗憲聞世宗即位先已棄官來歸與使者遇於中都遂見上于小遼口除中都留守即

遣赴任詔與元帥完顏拔英同議軍事明年改西京留守八月改南京僕
散忠義自行臺朝京師宗憲攝行臺尚書省事召為太子太師上謂宗憲
曰卿年老舊人更事多矣皇太子年尚少謹訓導之俄拜平章政事太子
太師如故詔以太祖實錄賜宗憲及平章政事完顏元宜左丞統石烈良
弼判秘書監溫王與各一本移刺高山奴前為寧州刺史以貪污免世宗
以功臣子孫宗族中無顯仕者以馬秘書少監是時母喪未除有司奏其
事宗憲曰高山奴做很貪墨不可致之左右世宗曰朕以其父祖有功耳
既為人如此豈可玷職位哉追還制命因顧右丞蘇保衡奏攻石塘曰此
朕之過舉不可不改卿等當盡心以輔朕也有司言諸路猛安謀克怙其
世襲多擾民請同流官以三十月為考詔下尚書省議宗憲乃上議曰昔
太祖皇帝撫定天下誓封功臣襲猛安謀克今若改為遷調非太祖約臣
謂凡猛安謀克當明核善惡進賢退不肖有不職者其弟姪中更擇賢者
代之上從其議進拜右丞相大定六年薨年五十九上親刻悼惜
者久之命百官致奠賻銀一千五百兩重綵五十端絹五百匹

金源郡王

金史列傳金源郡王石土門漢字一作神徒門耶懶
路完顏部人世為其部長父直離海始祖弟保活里

永樂大典卷六千七百五十五

十三

四世孫雖同宗屬不相通門久矣景祖時直離海使部人邀孫來請復通
宗系景祖留遊孫歲餘厚其饋糜飲食善遇之及遷以幣帛數篋為贈結
其厚意久之耶懶歲饑景祖與之馬牛為助糶糶使世祖往致之會世祖
有疾石土門日夕不離左右世祖疾愈辭歸與握手為別約它日無相忘
石土門體貌魁偉勇敢善戰質直孝友彊記辯捷臨事果斷世祖襲位交
好益深鄰部不悅遂合兵攻之石土門使弟阿斯邁率二百人南下拒敵
敵兵千人已出其東據高阜石土門將五千人迎擊之敵將幹里本者勇
士也出挑戰石土門射中其馬幹里本反射射中石土門腹石土門拔箭
戰愈力阿斯邁與勇士七人步戰殺幹里本諸部兵遂敗石土門因招諭
諸部使附於世祖世祖喜之後伐烏春窩謀罕及純恩狄庫德等皆以所
部從戰有功第阿斯邁尋卒及終喪大會其族太祖率官屬往焉就以伐
遼之議訪之方會祭有飛鳥自東而西太祖射之矢貫左翼而墜石土門
持至上前稱慶曰鳥為人所甚惡今射獲之此吉兆也即以金版獻之後
以本部兵從擊高麗及伐遼功尤多王師攻下西京賜以金版其子輝盡
從行上語之曰吾妃之妹白散者在遼俟其獲當以馬汝婦竟如其言上
之西征諸將皆從石土門乃率善射者三百人來衛京師時太宗居守喜

其至親出迎。俄繼開黃龍府叛。與睿宗討平之。睿宗賜以奴婢五百人。師還。賞賚良渙。至是卒。年六十一。正隆二年。封金源郡王。子習失思敬。完顏忠本名迪古乃。字阿思魁。石土門之弟。太祖器重之。將舉兵伐遼。尚未決也。欲與迪古乃計。事於是宗翰宗幹完顏希尹皆從。居數日。少間。太祖與迪古乃為肩。而語曰。我此來宜徒然也。有謀於汝。汝為我決之。遼名馬大圖。其實空虛。主驕而士怯。戰陣無勇。可取也。吾欲舉兵。杖義而西。若以馬如何。迪古乃曰。以主公英武。士眾樂為用。遼帝荒于政。謀。政令無常。易與也。太祖然之。明年太祖伐遼。使婆盧火來徵兵。迪古乃以兵會師。扶國元年十二月。上梁遼主兵次艾剌。迪古乃與銀术哥守遼魯古路。二年。與幹魯蒲察會幹魯古討高永昌。破其兵。東京降。遂與幹魯古等禦耶律捏里。敗之于羨蒸山。拔顯州乾惠等州。降天輔二年。與婁室俱入見。上曰。遼主近在東京。而敢輒來。各杖之三十。太祖駐軍草深。迪古乃取奉聖州。破其兵五千于鷄鳴山。奉聖州降。太祖入燕京。迪古乃出德勝口。以代石土門為耶懶路都勃董。二年。以耶懶地薄斥鹵。遷其部於蘇濱水。仍以木實勒之田益之。熙宗即位。加太子太師。十四年。加保大軍節度使。同中書門下平章事。堯天德二年。迪古乃配饗太祖廟廷。大定二年。追封金源郡王。

蜀王

金史列傳。蜀王銀术可宗室子。太祖嗣位。使蒲家奴如遼。取阿疎。事久不決。乃使習古迺銀术可繼往。當是時。遼主荒于政。上

下解體。銀术可等運其以遷政。事人情告太祖。且言遼國之狀。太祖決意伐遼。蓋自銀术可等發之。太祖與耶律訛里朶戰于遼魯古城。遼兵二十餘萬。銀术可婁室率衆衝其中堅。凡九陷陣。輒戰而出。大敗遼軍。銀术可為謀克。遂與婁室成。遂後與婁室渾點婆盧火石古乃等攻黃龍府。敗遼兵萬餘于白馬濼。太祖拒遼兵。銀术可守遼魯古城。收國二年。分鴨綠河懶所遷謀克二千戶。以銀术可為謀克。屯寧江州。遼大冊使習泥烈遣回。約以七月半至。而盡九月。習泥烈未來。上使諸軍過江。屯駐遼。剌麻谷十三人。兵士八人。縱火於渾河。以絕芻牧。銀术可獲之。乃知遼主乙薛使之。太祖命釋之。從都統米克中京。銀术可與習古迺蒲察胡乙遣。率兵三千擊翼王霞末于京西七十里。霞末棄兵。遊遼主西奔天德。銀术可以兵絕其後。遼主遂見獲。後從宗翰伐宋。圍太原。宗翰進兵至澤州。及宗翰還西京。太原未下。皆命銀术可留兵圍之。招討都監馬五破宋兵於文水。節度使耿守忠等敗宋黃迪兵於西都谷。所殺不可勝計。宋樊愛杞統高。豐等軍來救太原。分據近郡。銀术可與習失盃魯完達大破之。索里乙室

永樂大典

卷六七六五

破宋兵於太谷。宋兵扼太谷祁縣阿鵲嶺。拔離連。復取之。神師中出并陞。拔榆次。救太原。銀木可使。幹論擊之。破其軍。活女新師。中於殺熊嶺。進攻。宋制置使姚古軍于隆川谷。大敗之。撒里土改宋軍於回馬口。郭企忠。職。宋軍於五臺。及宗翰定太原。與宗望會兵于汴。銀木可等攻汴城。克之。師。還。銀木可降。奇。歲。寧。化。等。軍。攻。嵐。州。拔。之。招。降。火。山。軍。與。希。尹。同。賜。鐵。券。宗。翰。趨。洛。陽。寨。里。取。汝。州。銀。木。可。取。鄆。州。殺。其。將。李。傑。等。薩。謀。魯。入。襄。陽。拔。離。連。入。均。州。馬。五。取。房。州。擄。轉。運。使。劉。吉。鄆。州。通。判。王。彬。拔。離。連。破。唐。蔡。陳。三。州。克。穎。昌。府。沙。古。質。別。克。舊。穎。昌。宗。翰。會。伐。康。王。銀。木。可。守。太。原。天。會。十。年。為。燕。京。留。守。天。會。十。三。年。致。仕。加。保。大。軍。節。度。使。同。中。書。門。下。平。章。事。遷。中。書。令。封。蜀。王。天。眷。三。年。薨。年。六。十。八。以。正。隆。例。贈。金。源。郡。王。配。聖。太。宗。廟。庭。大。定。十。五。年。諡。武。襄。改。配。享。太。祖。廟。庭。子。授。英。

河內郡王

金史列傳思敬本名撒改。押懶。河人。金源郡王神土。憑之子。辭不失弟也。初名思恭。避顯宗諱。改馬體貌。雄偉美鬚。髭直有材。幹年十一。從其父。謁見太祖。太祖在納鄰。浣方纔。因詔從僕射黃羊。獲之。太祖賜以從。馬宗翰自太原伐宋。從其兄習室。攻

永樂大典卷六七六五

十五

太原。宗翰取河內。思敬從完顏活女。涉渡河。下洛陽。圍汴。皆有功。師還。隸。逢王宗幹麾下。太宗幸東京。溫湯。思敬擁護衛。押懶卒。百人。從行。領謀克。從征木虎。麟。有功。遂充護衛。天眷二年。以捕宗磐。宗高。功。遷顯武將軍。熙。宗。捕。魚。混。同。江。網。索。絕。曹。國。王。宗。敏。乘。醉。鞭。馬。入。江。手。引。繫。網。大。繩。沉。於。水中。熙宗呼左右救之。倉卒。莫有應者。思敬躍入水。引宗敏出。熙宗稱嘆。賞。錢。甚。厚。擢。右。衛。將。軍。襲。押。懶。路。萬。戶。授。世。襲。謀。克。七。年。召。見。賜。以。紫。衣。鹿。裘。錢。萬。貫。及。歸。復。追。使。賜。少。劍。是。年。入。為。工。部。尚。書。改。殿。前。都。點。檢。無。何。為。吏。部。尚。書。天。德。初。為。報。諭。宋。國。使。宋。人。以。舊。例。請。觀。錢。塘。江。潮。思。敬。不。觀。曰。我。國。東。有。巨。海。而。江。水。有。大。於。錢。塘。者。竟。不。往。使。還。拜。尚。書。右。丞。羅。為。真。定。尹。用。庶。封。河。內。郡。王。徙。封。鉅。鹿。丁。母。憂。起。復。太。官。改。益。都。尹。正。隆。二。年。例。奪。王。爵。改。慶。陽。尹。大。定。二。年。授。西。南。路。招。討。使。封。濟。國。公。兼。天。德。軍。節。度。使。俄。為。北。路。都。統。佩。金。牌。及。銀。牌。二。兩。北。路。招。討。使。唐。括。字。古。底。副。之。將。本。路。兵。二。千。會。字。古。底。視。地。形。衝。要。或。于。狗。濼。屯。駐。伺。契。丹。賊。出。沒。之。地。置。守。禦。連。斥。候。賊。至。則。戰。不。以。晝。夜。為。限。詔。字。古。底。曰。爾。兵。少。思。敬。未。至。不。得。先。戰。僕。散。忠。義。敗。高。幹。於。陷。泉。詔。思。敬。選。新。馬。三。千。備。追。襲。高。幹。入。于。奚。中。思。敬。為。元。帥。右。都。監。以。舊。領。軍。入。奚。地。張。哥。宅。會。大。軍。

討之敗為節度特末也獲二百餘人賊降將稍合位與其黨神獨幹執高
 幹并其母徐華妻子弟姪家屬及金銀牌印詣思敬降思敬獻俘于京師
 賜金百兩銀千兩重練四十端玉帶鹿馬名鷹拜右副元帥經略南邊駐
 山東羅馬北京留守復拜右副元帥仍經略山東初猛安謀克屯田山東
 各隨所受地土散處州縣世宗不欲猛安謀克與民戶雜處欲使相聚居
 之遣戶部郎中完顏讓往元帥府議之思敬與山東路總管徒單克寧議
 曰大軍方進伐宋宜以家屬權寓州縣量留軍旅以為備禦俟邊事寧息
 猛安謀克各使聚居則軍民俱便遷奏上從之其後遂以猛安謀克自為
 保聚其田土與民田犬牙相入者互易之三年四月召還京師以為北京
 留守賜金鞍勒馬七年召為平章政事先是省併猛安謀克及海陵時無
 功殺猛克者皆罷之失職者甚眾思敬請量才用之上從其請思敬前為
 真定尹其子取部民女為妻至是其兄乞離異其妻畏思敬在相位不敢
 去詔還其家九年拜樞密使上疏論五事其一女真人可依漢人以文埋
 道試其二契丹人可分隸女真猛安其三監漕官可罷去其四與猛安同
 勾當則千戶官亦可罷其五親王府官屬以文資官擬注教以女真語言
 文字上皆從之其後女真人試進士夾谷衙尼龐古繼徒單猛完顏正革

宋史卷之七十五

十六

皆由此致宰權實思敬替之也久之上謂思敬曰朕欲修熙宗實錄卿嘗
 為侍從必能記其事跡對曰熙宗時內外皆得人風雨時年穀豐盜賊息
 百姓安此其大槩也何必餘事上大悅世宗喜立事故其微諫如此大定
 十三年歲上報朝親臨喪哭之慟曰舊臣也賜贈加厚葬禮悉從官給孫
 吾儔木特大定二十四年除明
 威將軍授邊漢路實都山猛安

陳王

金史列傳陳王完顏希尹本名谷神歡都之子也自太祖舉兵
 常在行陣或從太祖或從撒改或與諸將征伐皆有功金人初

無文字國勢日強與鄰國交好通用契丹字太祖命希尹撰本國字備制
 度希尹乃依倣漢人楷字因契丹字制度合本國語製女真字天輔三年
 八月字書成太祖太悅命頒行之賜希尹馬一匹衣一襲其後熙宗亦製
 女真字與希尹所製字俱行用希尹所撰謂之女真大字熙宗所撰謂之
 小字遼人迪六和尚雅里斯素中京走希尹與迪古乃妻室余睹襲之迪
 六等聞希尹兵復走遂降其旁近人民而還美人落虎來降希尹使落虎
 招其父西節度使訛里剌訛里剌以本部降宗翰駐軍北安使希尹經略
 近地獲遺護衛耶律習泥烈知遼主獵于焉為宗翰遂請進兵宗翰將

會都統果于英王嶺遣兵屯古北口使婆盧火將兵二百擊之澤熙亦將二百人為後援澤熙聞遼兵來請益兵宗翰欲親往希尹妻室曰此小寇請以千兵為公破之澤熙至古北口遇遼遊兵遂之入谷中遼步騎萬餘追戰死者數人澤熙掩關口希尹等至大破遼兵斬馘甚衆盡獲甲冑輜重復敗其伏兵殺千餘人獲馬百餘匹遂與宗翰至吳王嶺期會於羊城澤宗翰襲遼帝于五院司希尹為前驅所將鐵八騎與遼主戰一日三敗之明日希尹得降人麻答言遼主在漢委輜重將奔西京幾及遼主于白水澤南遼主以輕騎避去盡獲其內庫寶物遂至西京西京降使蒲察守之希尹至乙室部不及遼主而還及宗翰入朝希尹權西南西北兩路都統是時夏人已受盟遼主已獲耶律大石自立而夏國與契丹書責諸帥奪盟軍入其境多掠取者希尹上其書且奏曰聞夏使人約大石取山西諸郡以臣觀之夏盟不可信也上曰夏事酌宜行之軍入其境不知信與否也大石合謀不可不察其嚴備之及大舉伐宋希尹為元帥右監軍再伐宋執二主以歸還賜希尹鐵券除常赦不原之罪餘釋不問宗翰伐康王希尹追之于揚州康王避去後與宗翰俱朝京師請立熙宗為儲嗣太宗遂以熙宗為儲班勃極烈熙宗即位希尹為尚書左丞相兼侍中加開

永樂大典卷六千七百六十五

十七

府儀同三司希尹為相有大政皆身先執執天眷元年乞致仕不許羅為與中尹二年復為左丞相兼侍中俄封陳王與宗翰共誅宗璽宗璽三年賜希尹詔曰帥臣表奏姦狀已萌心在無君言宣不道違燕居而竊議謂神器以何歸終於聽聞遂致章啟遂賜死并殺右丞蕭慶并希尹子同修國史把答符寶即漫帶是時熙宗未有皇子故族希尹者以此言諧之皇統三年上知希尹實無他心而死非其罪贈希尹儀同三司邢國公改葬之蕭慶銀青光祿大夫天德三年追封豫王正隆二年例降金源郡王大定十五年諡貞惠孫守道守貞守道自有傳

晉國王

全史列傳晉國王宗翰本名粘沒喝漢語訛為粘罕國相徽政之長子也年十七軍中服其憂及議伐遼宗翰與太

祖意合太祖敗遼師于境上獲耶律謝十徽政使宗翰及完顏希尹來賀捷即稱帝為賀及太祖以下宗室群臣皆勸進太祖猶猶豫宗翰與阿蘇合懋滿家奴等進曰若不以時建號無以繫天下心太祖意乃決遂都統耶律訛里朶以二十餘萬戍邊太祖逆擊之宗翰為右軍大敗遼人于達魯古城天輔五年四月宗翰奏曰遼主失德中外離心我朝興師大業既定而根本弗除後必為患今乘其釁可襲取之天時人事不可失也太祖

然之。即命諸路戎備軍事。五月戊戌，射柳宴群臣。上顧謂宗翰曰：「今議西征，汝前後計謀多合朕意。宗室中雖有長於汝者，若謀元帥無以易汝。汝當治兵以俟師期。」上親酌酒飲之，且命之騎解御衣以衣之。群臣言：「時方暑，月乃止。」燕何為移資物極烈，劉蒲家奴西襲遼帝，不果行。十一月，宗翰侵靖日，諸軍久駐，人思自奮，馬亦壯健，宜乘此時進取中京。群臣言：「時方寒，太祖不聽，竟用宗翰策。」於是急勅極烈，果都統內外諸軍，蒲家奴宗翰、宗幹、宗盤副之。宗峻領合扎、猛安皆受金牌，余睹為卿導取中京。實北京既克，中京宗翰率偏師趨北安州，與妻室徒單輝里合兵大敗吳王霞末。北安遂降。宗翰駐軍北安，遣希尹經畧近地，獲遼護衛耶律習泥烈。迺知遼主獵于篤魯漵，殺其子晉王教魯幹，衆益離心。西北西南兩路兵馬皆羸弱，不可用。宗翰使梅益溫都移剌保報都統，果曰：「遼主窮迫於山西，猶事攻謀，不恤危亡，自殺其子，臣民失望，攻取之策幸速見諭。若有異議，此當以偏師討之。」果使奔睹與移剌保同來報曰：「頃奉詔旨，不令使趨山西，當審詳徐議。」當時宗翰使人報果，即整衆俟兵期。及奔睹至，知果無意進取，宗翰恐待果約或失機會，即決果進兵，使移剌保復往報都統曰：「初受命，雖未令使取山西，亦許便宜從事。遼人可取其勢已見一失機會，後

難圖矣。今已進兵，當與大軍會于何地。幸以見報，宗幹勸果當如宗翰策。果意乃決，約以吳王嶺會。議宗翰至吳王嶺，與都統果會。果軍出青領，宗翰軍出孤嶺，期于羊城。漵會軍宗翰以精兵六千襲遼主，自五院司來拒戰。宗翰倍道兼行一宿而至，遼主逃去，乃使希尹等追之。西京復叛，耿守忠以兵五千來救，至城東四十里，蒲察烏烈谷被先擊之，斬首千餘。宗翰宗雄宗幹宗峻繼至，宗翰率麾下自其中衝擊之，使餘兵去馬從旁射之。守忠敗走，其衆潰。馬宗翰弟扎保迪沒于陣，天眷中贈扎保迪特進云。宗翰已撫定西路州縣，部族謁上于行在所，遂從上取燕京。燕京平，賜宗翰希尹捷，願耶律余睹金器有差。太祖既以燕京與宋人，還軍次篤魯漵，不豫，將歸京師。以宗翰為都統，委勅極烈，呈送勅極烈，幹魯副之。駐軍雲中。太宗即位，詔宗翰曰：「寄爾以方面，當運官資者，以便宜除授。因以空名宣頭百道給之。」宋人來請割諸城，宗翰報以武朔二州。宗翰請曰：「宋人不歸我叛亡，阻絕燕山往來道路，後必敗盟，請勿割山西郡縣。」太宗曰：「先皇帝嘗許之矣，當與之。」諸將獲耶律馬哥，宗翰歸之京師。詔以馬七百匹給宗翰軍，以田種千石，米七千石，賑新附之民。詔曰：「新附之民，比及農時，度地以居之。」宗翰請分宗望捷，願石古乃精兵討諸部。詔曰：「宗望軍不可分別。」

永樂大典

卷六七六五

以精銳五千給之宗翰朝太祖陵入見上奏曰先皇帝時山西南京諸部漢官軍帥皆得承制除使今南京皆循舊制惟山西優以朝命詔曰一用先皇帝燕京所降詔勿從事卿等度其勳力而遣授之宗翰復奏曰先皇帝征遼之初國家協力夾攻故許以燕地宋人既盟之後請加帶以求山西諸鎮先皇帝解其加帶盟書曰無容隱遁誘授遼民今宋數路招納叛亡厚以恩賞累疏叛人姓名索之重賞嘗期以月日約以誓書一無所致盟未嘗年今已如此萬世守約其可望乎且西鄙未寧割付山西諸郡則諸軍失屯據之所將有輕略或難持久請姑置勿割上悉如所請上以宗翰破遼經略夏國奉表稱藩深嘉其功以馬十匹使宗翰自擇二匹餘賜群帥及幹魯奏宋不違歲幣戶口事且將渝盟不可不備太宗命宗翰取諸路戶籍按籍索之而閻世再奏宋改盟有狀宗翰宗望俱請伐宋於是諸班勅極烈果領都元帥居京師宗翰為左副元帥自太原路伐宋宗翰發自河陰遼降朔州克代州圍太原府宋河東陝西軍四萬救太原敗于汾河之北殺萬餘人宗望自河北趨汴久不聞問遂留銀木可等圍太原宗翰率師而南降定諸縣及威勝軍下降德府實潞州軍至澤州宋使至軍中始知割三鎮謀和事路允迪以宋割太原詔書來太原人不受詔

永樂大典卷六七六五

十九

宗翰取文水及孟縣後留銀木可圍太原宗翰乃還山西宋少帝誘蕭仲恭貽書余睹以興復遼社稷以勳之蕭仲恭獻其書詔優伐宋八月宗翰發自西京九月丙寅宗翰克太原執宋經略使張孝純等鷄沙虎取平遥降靈石介休孝義諸縣十一月甲子宗翰自太原趨汴降威勝軍克隆德府遂取澤州撤刺谷等先已破天井關進逼河陽破宋兵萬人降其威宗翰攻懷州克之丁亥渡河閏月宗翰至汴與宗望會兵宋約畫河為界復請婚好不克和丙辰銀木可等克汴州辛酉宋少帝詣軍前舍青城十二月癸亥少帝奏表降詔元帥府曰將帥士卒立功者第其功之高下遷賞之其殞身行陣沒於王事者厚卹其家賜贈官爵務從優厚使最就軍中勞賜宗翰宗望使皆執其手以勞之四月以宋二主及其宗族四百七十七人及瑤璋寶印宸冕車路祭器大樂靈臺圖書與大軍北還七月賜宗翰鐵券除反逆外餘皆不問賜與其原宗翰以河北河東府鎮州縣請擇前資官良能者任之以安新民上遣耶律輝等從宗翰行詔黃龍府路南路東京路於所部各選如耶律輝者遣之宗翰遂趨洛陽宋董植以兵至鄭州鄭州人復叛宗翰使諸將擊董植軍復取鄭州遂遷洛陽襄陽鎮昌汝鄭均房唐鄆陳蔡之民於河北而遣婁室平快西州郡是時河東寇盜尚

多宗翰乃分留將士夾河屯守而還師山西昏德公致書請立趙氏奉職
修貢民心必喜萬世利也宗翰受其書而不答康王遣王師正奉表密以
書招契丹漢人獲其書奏之太宗下詔伐康王河北諸將欲罷陝西兵併
力而伐河東諸將不可曰陝西與西夏為鄰事重體大兵不可罷宗翰曰
初與夏約夾攻宋人而夏人弗應而耶律大石在西北交通西夏吾舍陝
西而會師河北彼必謂我有急難河北不足虞宜先事陝西略定五路既
弱而夏然後取宋宗翰蓋有意于夏人也議久不決奏請于上上曰康王
構當窮其所往而追之俟平宋當立藩輔如張邦昌者陝右之地亦未可
置而不取於是婁室蒲察師師緇果婆盧火監戰平陝西銀木可守太原
耶律余睹留西京宗翰會東軍于黎陽津遂會唐宗于濮進兵至東平宋
知府權邦彥棄家宵遁降其城駐軍東平東南五十里後取徐州先是宋
人運江淮金幣皆在徐州官庫盡得之分給諸軍製慶府來降宋知濟南
府劉豫以城降于捷懶乃遣拔離速馬林答恭欲馬五製康王于揚州未
至百五十里馬五以五百騎先馳至揚州城下康王聞兵來已於前一夕
渡江矣於是康王以書請存趙氏社稷先是康王嘗致書元帥府稱大宋
皇帝構致書大金元帥帳前至是乃貶去大號自稱宋康王趙構謹致書

永樂大典卷六千七百六十五

二十

元帥閣下其四月七月兩書皆然元帥府答其書招之使降於是捷懶宗
弼拔離速馬五等分道南伐宗弼之軍渡江取建康入于杭州康王入海
阿里蒲盧渾等自明州行海三百里追之弗及宗弼乃還其後宗翰欲用
徐文策伐江南番宗弼議不合乃止語在劉豫傳歸德叛都統大紅里
平之初太宗以斜也為諸班勃極烈天會八年斜也薨久虛此位而熙宗
宗峻于太祖嫡孫宗幹等不以言太祖而太祖亦無立熙宗意宗翰朝京
師謂宗翰曰諸嗣虛位願父合利先帝嫡孫當立不早定之恐授非其人
宗翰日夜未嘗忘此遂與宗翰希尹定議入言於太宗請之再三太宗以
宗翰等皆大臣義不可奪乃從之遂立熙宗為諸班勃極烈於是宗翰為
國論右勃極烈兼都元帥熙宗即位拜太保尚書令領三省事封晉國王
乞致仕詔不許天會十四年薨年五十八進封周宋國王正隆二年例封金
源郡王天定間改贈秦王諡桓忠配享太祖廟廷孫東德斜哥東德別有傳

宋國王 金史列傳宋國王宗磐本名蒲魯虎天輔五年都統果取
中京宗磐與幹魯宗翰宗幹皆為之副天會十年為國論
忽魯勃極烈熙宗即位為尚書令封宋國王宗璣拜太師與宗幹宗翰並
領三省事熙宗優禮宗宣宗翰沒後宗磐日益跋扈嘗與宗幹爭論於上

前即上表求還為野奏曰陛下當於春秋而大臣不備恐非國家之福熙宗因為兩解宗磐愈驕恣其後於熙宗前持刀向宗幹都點檢蕭仲恭呵止之既而在副元帥撻懶東京留守宗弼入朝宗磐陰相黨與而宗弼遂為右丞相用事撻懶屬尊功多先薦劉豫立為齊帝至是唱議以河南陝西與宋使稱臣熙宗命群臣議宗室大臣言其不可宗磐宗弼助之卒以與宋共後宗磐宗弼撻懶謀作亂宗幹希尹發其事熙宗下詔誅之生與宴飲者皆貶削洪賁有差赦其弟斛魯補等九人并赦撻懶出為行臺左丞相皇后生日宰相諸王妃主命婦入賀熙宗命去樂曰宗磐等皆近屬輒構逆謀情不能樂也以黃金合及兩銀鼎獻明德宮太皇太后并以金合銀鼎賜宗幹希尹為

永樂大典卷之六千七百六十五

永樂大典卷六千七百六十五

二十一

永樂大典

卷六七六六